

Gou Gyaez Ranzmbanj Gou

我爱我的家乡



Ciet Gozging cuengqgyaj, dax-meh daiq gou ma ranzcoj, mbouj siengj daengz ranzcoj baenzneix gyaeu!

Caeuq laeuz hung laeuz sang ndaw singz mbouj doengz, gij ranz ranzcoj dwg baenz baiz baenz baiz ranzbingzfuengz, cingjcaez seuqsak. Ranzranz cungj miz aen hongh hung ndeu, ndaw hong ndaem rim va, gak saek gak yiengh va hai rim ndaw hongh, gyaeundeidei dangqmaz.

Daxmeh daiq gou itmienh byaij itmienh naeuz, samcib bi gaxgonq, ndaw mbanj mbouj miz loh suijniz, cungj dwg loh namh. Ngoenzgvengq, baez bongj rumz, gwnz loh faenx mbinyagyag, ngoenz doekfwn, diuz loh boengzbwd myagmywd hoj byaij. Seizneix ndaw mbanj mboujlwnh loh hung loh iq, cungj dwg loh suijniz seuqsak, fwn doek geijlai hung cungj mbouj lau lo.

Bakmbanj miz aen suenmak

ndeu. Mwngz yawj, gwnz go mak-bingzgoj mak de duenghruemruem ndingyanyan; makcaujnding youq ndaw rumzcou mbouj dingz ngaek gyaeuj, lumj dwg dongx gou nei; baenz roix baenz roix makit gwnz gyaq ronghcingx lumj majnauj nei…… “Gizsaed, cei q gyaeu dwg seizcin.” Daxmeh riu naeuz, “Mwhde ndaw suenmak hai rim va, valeiz hausag, vadauz hoengzmaeq, vamakbingzgoj hoengzdamh…… Mbouj rox geijlai gyaeundeidei ha!”

Daxmeh lwnh gou, mwh de lij iq, gizneix dwg cauhcangz dak meg. Gaxgonq mbouj miz souhgozgi, meg baenzsou le, cungj dwg auvunz gvej, yienzhaeuh rap daengz cauhcangz, bu ok dak sau. Dak sau le cuengq gwnz nienjrin bae hawj vaiz rag nienj, byak meg baenz di baenz di buqsoiq, nienj ndei lo, caj miz rumz daeuj, gyoengq-vunz couh dawz meg nienj ndei haenx

bau hwnj gwnzmbwn bae, rumz ci byak meg bae le, cij lw naed meg, yienzhaeuh dawz meg dak sau haenx cang haeuj cang bae.

Daxmeh naeuz, gaxgonq sou gohuq youh naet youh uq, danghnaeuz mwh sou gohuq doek fwn, doengh gohuq couh fatmwt gwn mbouj ndaej, ndigah guh hongnaz cungj caeuj aen mbwn ciengj seizgan, baez daengz geiqciat sou huq, gyoengqvunz cungj laep ok laep haeuj nyaengq baenz ndwen, naetnaiq dangqmaz. Seizneix ndaw mbanj miz souhgozgi lo, souhgozgi hai daengz ndaw naz, “dududu” byaij dangq ndeu, byak meg buq lo, naed meg couh daengz aen sieng coux meg bae, gig fueng-bienh, gyoengqvunz caiq mbouj deng naet lo. Aen cauhcangz neix hix yungh mbouj daengz lo, couh bienqbaenz le suenmak.

Byaij daengz diuz rij gyaeuj-

mbanj, gou nyaenx mbouj ndaej diuz roengz raemx bae. Raemx rij saw-dikdik, nywjaemx heuyauyau youq ndaw raemx cwxcaih bidoengh, geij duz byalwg youq ndaw raemx cwxcaih youz bae youz dauq. “Mwngz yawj raemx neix geijlai saw ha, ndaw singz gizlawz miz gjidieg baenzneix ndei ha.” Daxmeh itmienh haenx itmienh caeuj gou boenz raemx.

Ma daengz ranz, daxmeh caeuj daxdaiq gangj hwnj gij bienqvaq ndaw mbanj. Daxdaiq naeuz: “Mwngz lij geiqndaej gij loqsiengj seiziq mwngz lwi?”

“Baenzlawz geiq mbouj ndaej ha, mwhde, loqsiengj gou couh dwg ndaej youq aen ranz mbouj roh fwn, ngoenz fwn doek mbouj yungh gyanghwnz hwnqdaej ra bat coux raemxfwn, mbouj yungh buen denz buen mbinj ra giz mbouj roh fwn haenx ninz, lijimiz ngoenzngoenz miz mienhhaui, manzdouz gwn. Roxnyinh yiengh-haenx couh dwg vuenyungz.” Daxmeh doenghcingz dwk naeuz.

“Caen siengj mbouj daengz dinjdin gij cib bi, saedceij raeuz fatseng le bienqvaq mbwn fan dei boek! Seizneix ha, ngoenzngoenz gwn mienhhaui, manzdouz, gou cungj gwn nywnx lo. Saedceij neix yied gvaq yied ndei lo!” Gangj dwk, nyaeuq gok da daxdaiq cungj riu baenz duj va ndeu lo.

Mbouj rox mbouj nyinh, gou youq ranzcoj youq le geij ngoenz lo, yaek dauqma lo, caen miz di sij mbouj ndaej biek bae ha!

(Gvangjdung *Swngj Sinhcin Si Baujanh Gih Vangzdenz Siujyoz roek nienzgaep Dwng Yi*)

Bet Nyied Cibngux Ngongz Ronghndwen

中秋赏月



Bet nyied cibngux ngoenzde, dou gwn sat haeuxcaez le, daxmeh couh hemqnaeuz: “Vaiq di sij cozyez, gyanghaemh raeuz bae ndaw hongh ngongz ronghndwen, gou bwh ndei gak cungj bingjrondwen ndeigwn hawj sou lobw!”

“Ndei ha ndei ha!” Gou caeuj dahnuegx caez han naeuz.

Ngoenzde ronghndwen youh hung youh luenz, gyaeundeidei dangqmaz. Dou daengz ranz vunz buen daizdaengq bae ndaw hongh. Mwhde, daxmeh hix dawz gak cungj gak yiengh bingjrondwen ndeigwn okdaeuj: Miz yiengh aen sim, yiengh seiqfueng, yiengh luenz…… Miz sim saduh, sim gyaeqhenj, sim noh……

Gou caeuj dahnuegx ngiengx gyaeuj yawj gwnzmbwn,

itmienh gwn bingjrondwen, itmienh ngongzyawj ronghndwen. Cij raen gwnzmbwn ronghndwen luenzlulu cingq menhmenh swng hwnjdaeuj, ronghndwen cibngux lumj aen buenznyawh nei, sieng youq gyanghaemh gwnzmbwn saek lamz-ndaem haenx, yienhndaej daegbied ronghhaui. Rongh saekngaenz ronghndwen ndonj gvaq baenz geu baenz geu fwj mbanj, ciuq youq gyangmbwn, youh saj rim le daihdeih. Ronghndwen ciemhciemh swng sang lo, gij rongh ronghsag unqswnh de, hawj doxgaiq seiqhenz cungj longz hwnj caengz sa'ngaenz ndeu, gyaeundeidei dangqmaz.

Gou mbiq aen gyoij ndeu hawj daxmeh, daxmeh riu dwk haenx gou roxsoq. Gou yaengyaeng ing youq gwnz ga daxmeh, ngiengx gyaeuj dinghdingh ngongzyawj ronghndwen, cam naeuz: “Meh, mwngz gangj aen goj 《Cangzngoz Buet Coh Ronghndwen》 hawj gou dingq vei!” Daxmeh ngaekngaek gyaeuj, couh gig sengdoengh dwk gangj hwnjdaeuj: “Doenghbaez, miz dah sau saundeidei ndeu heuhguh Cangzngoz, de miz boux gvan maen'ak ndeu, heuhguh Houyi……” Aiq dwg daxmeh gangj ndaej sengdoengh lai, dingq dwk dingq dwk, gou lumj maj ok song gaiq fwed mbin hwnj gwnzmbwn, daeujdaengz ndaw ronghndwen, caeuj dahcej Cangzngoz caez cimzgnw bingjrondwen ndeigwn haenx.

Mbouj rox seizlawz, gyanghwnz lo, seiqhenz dinghsuhsu, cijmiz vunz ndaw ranz gou humx naengh youq doxcaez……

Ronghndwen bet nyied cibngux geijlai gyaeundeidei ha!

(Gyanghsuh *Suhcouh Gungh-yez Yenzgih Daihngaih Sizyen Siujyoz ngeih nienzgaep Luz Cwnz-hanz*)